



ՍՈՒՐԲ ՅԱԿՈԲ

ԱՌԱՋՆՈՐԴԱՆԻՒՏ ՄԱՅՐ ԵԿԵՂԵՑԻ

Երկրորդ Ծաղկաշարդ
21 ՄԱՅԻՍ 2023

ԸՆԹԵՐՑՈՒՄ
«ԱՌԱՔԵԱԼՆԵՐՈՒՆ ԳՈՐԾԵՐԸ»
ԳԻՐՔԵՆ
(23.12.35)

Յաջորդ առաւտօտ կարգ մը հրեաներ իրարու քով եկան եւ իրենք զիրենք նզովքի տակ դնելով երդում ըրին չուտել ու չխմել՝ մինչեւ չսպաննեն Պօղոսը։ Քառասուն հոգին աւելի էին այս երդումը ընողները։ Ասոնք մօտեցան քահանայապետներուն եւ երէցներու եւ ըսին։ «Մենք նզովքի տակ դնելով մենք մեզ երդում ըրինք բան չճաշակել, մինչեւ Պօղոսը չսպաննենք։ Դուք ատեանին անունով հազարապետին լուր զրկեցէք որ զայն ձեզի զրկէ, պատճառաբանելով թէ կ'ուզէք իր մասին աւելի ստոյդ տեղեկութիւն ունենալ։ Իսկ մենք պատրաստ կ'ըլլանք արդէն եւ տակաւին հոս չհասած՝ կը սպաննենք զինք։»

Պօղոսի քեռորդին այս դաւագրութիւնը իմանալով, եկաւ զօրանոց եւ Պօղոսին պատմեց։ Պօղոս հարիւրապետներէն մէկը կանչելով ըսաւ. «Այս պատանին հազարապետին տար, որովհետեւ իրեն ըսելիք մը ունի։» Հազարապետը պատանիին ձեռքէն բռնելով մէկ կողմ տարաւ եւ հարցուց. «Ի՞նչ ունիս ըսելիք։» Պատանին ըսաւ. «Հրեաներ համաձայնեցան քեզմէ խնդրել որ զաղը Պօղոսը Ատեան զրկես, որպէս թէ աւելի մանրակրկիտ հարցուփորձելու համար զայն։ Բայց մտիկ մի՛ ըներ իրենց. որովհետեւ իրենց մէջէն քառասունէ աւելի մարդիկ իրենք զիրենք նզովքի տակ դնելով երդում ըրած են չուտել ու չխմել՝ մինչեւ չսպաննեն զայն. եւ հիմա դարան մտած ու պատրաստ՝ կը սպասեն քու հրամանիդ։»

Հազարապետը պատանին ճամբեց, պատուիրելով. «Ոեւէ մէկու մի՛ ըսեր ինչ որ ինձի յայտնեցիր։» Ապա հարիւրապետներէն երկուքը կանչելով ըսաւ. «Երկու հարիւր

հետեւակ, եօթանասուն հեծեալ եւ երկու հարիւր տիգաւոր զինուորներ թող պատրաստ ըլլան գիշերուան ժամը իննին դէպի կեսարիա ճամբայ ելլելու։ Պօղոսին համար ալ գրաստ պատրաստեցէք եւ զայն ապահով կերպով Ֆելիքս կառավարիչին հասցուցէք։» Նամակ մըն ալ գրեց, հետեւեալ բովանդակութեամբ.

«Կլողիոս Լիսիասի կողմէ՝ նորին գերազանցութիւն Ֆելիքս կառավարիչին։ Ողջո՞յն։

«Հրեաներ բռներ էին այս մարդը եւ զինի սպաննելու վրայ էին։ Իմանալով որ հոռմայեցի է, վրայ հասայ եւ զինի ազատեցի։ Ուզեցի գիտնալ թէ ի՞նչ յանցանենով կամբաստանեն զինի։ ուստի իրենց Ատեանը տարի զինի, եւ հասկցայ թէ իրենց Օրէնքին վերաբերող խնդրի մը համար կամբաստանեն. այսինքն մահուան կամ բանտարկութեան արժանի յանցանի մը չունի։ Բայց երբ ինձի իմացուցին թէ իրեաներ դաւ մը լարած են իր կեանքին դէմ, զայն իսկոյն ֆեզի զրկեցի, իրամայելով որ ամբաստանող ները ֆեզի՝ ներկայացնեն իրենց ըսելիքները։ Ո՞ղ եղիր։»

Հազարապետին հրամանին համաձայն, հետեւակ զինուորները առին Պօղոսը եւ գիշերով Անտիպատրիս փոխազրեցին, եւ յաջորդ օրը զայն իրենց ընկերացող հեծեալներուն յանձնելով, իրենք զօրանոց վերագարձան։ Հեծեալները կեսարիա հասան եւ նամակը կառավարիչին տալով Պօղոսն ալ անոր ներկայացուցին։ Կառավարիչը նամակը կարդաց եւ Պօղոսին հարցուց թէ կայսրութեան ո՞ր նահանգէն է. եւ հասկնալէ ետք թէ կիլիկիայէն է, ըսաւ. «Երբ որ քեզ ամբաստանողները գան՝ կը լսեմ քեզ։» Եւ հրամայեց որ զայն Հերովդէսի ապարանքին մէջ պահեն։

ԸՆԹԵՐՑՈՒՄ
ՅՈՎԱՆՆԻՍ ԱՌԱՔԵԱԼԻ
ԸՆԴԱՆՐԱԿԱՆ ԱՌԱՋԻՆ ՆԱՄԱԿԻՆ

(5.13-21)

**Ասիկա գրեցի ձեզի, Աստուծոյ Որդիին
Հաւատացողներուդ, որպէսզի գիտակցիք՝**

...համարձակ
կերպով
կը դիմենի
Աստուծոյ,
այն
վստահու-
թեամբ,
որ երբ իր
կամքին
համաձայն
բան մը
խնդրենի՞ կը
լսէ մեզի:

թէ յաւիտենական կեանք
ունիք: Ուստի համարձակ
կերպով կը գիմենք Աստուծոյ,
այն վստահութեամբ, որ
երբ իր կամքին համաձայն
բան մը խնդրենք՝ կը լսէ
մեզի: Եւ երբ գիտենք թէ
մեր խնդրանքները կը լսէ,
գիտենք նաեւ թէ պիտի
ստանանք ինչ որ կը
խնդրենք իրմէ:

Երբ տեսնես, թէ հա-
ւատացեալներէն մին գործեց մեղք մը, որ
մահացու չէ, աղօթէ Աստուծոյ՝ որ կեանք տայ
անոր: Ասիկա կ'ըսեմ միայն անոնց համար, որոնց
մեղքերը մահացու չեն, որովհետեւ մահացու
մեղքեր ալ կան, որոնց համար չեմ ըսեր՝ որ
աղօթէք: Ամէն անիրաւութիւն մեղք է, բայց
ամէն մեղք մահացու չէ:

Գիտենք, թէ ով որ Աստուծմէ ծնած է՝ չի
մեղանչեր, այլ Աստուծոյ ծնունդը՝ Քրիստոս,
կը պահպանէ զայն եւ չարը անոր չի մօտենար:

Թէպէտ ամբողջ աշխարհը
չարին ենթակայ ըլլայ, մենք
գիտենք՝ թէ Աստուծմէ ենք:
Եւ գիտենք, թէ Աստուծոյ
Որդին եկաւ ու բացաւ
մեր միտքերը, որպէսզի
ճանչնանք ճշմարիտ
Աստուծը: Մենք միացած
ենք ճշմարիտ Աստուծոյ

եւ անոր Որդւոյն Յիսուս Քրիստոսի: Ա՛ն
է ճշմարիտ Աստուծը եւ յաւիտենական
կեանքը:

Մենք
միացած ենք
ճշմարիտ
Աստուծոյ
եւ անոր
Որդւոյն
Յիսուս
Քրիստոսի:

Որդեակներս, դուք ձեզ կուռքերէ հեռու
պահեցէք:

ՅԻՍՈՒՄ ՔՐԻՍՏՈՍԻ ԱԻԵՏԱՐԱՆԻՆ

ԸՍ ՅՈՎԱՆՆԻՍԻ

(12.12-23)

Յաջորդ օր ժողովուրդի մեծ բազմութիւն
մը, որ զատկի տօնին առիթով երուսաղէմ
եկած էր, երբ լսեց թէ Յիսուս երուսաղէմ կու
գայ, արմաւենիի ճիւղեր առաւ եւ Յիսուսը
դիմաւորելու ելաւ, բարձրաձայն աղաղակելով.

«Ովսաննա»,

օրինեա'լ ըլլայ ան որ կու գայ Տիրոց
անունով, Խրայէլի թագաւորը»:

Յիսուս էշ մը գտնելով նստաւ անոր վրայ,
ինչպէս որ Սուրբ Գիրքերուն մէջ գրուած է.

«Մի՛ վախնար, ո՛վ Երուսաղէմ, Սիոնի՛
աղջիկ, որովհետեւ թագաւորդ ինքի կու
գայ իշու մը աւանակին վրայ նստած»:

Յիսուսի աշակերտները այս բոլորը չհասկցան
ատենին, բայց երբ Յիսուս փառաւորուեցաւ՝
այն ատեն յիշեցին թէ այս կատարուածները
Յիսուսի համար գրուած էին եւ իրենք այդ
գրուածն էր որ կատարեցին: Բոլորն ալ կը
վկայէին թէ Յիսուս Ղազարոսը կանչեց
գերեզմանէն եւ զայն մեռելներէն յարուցանեց:
Այս իսկ պատճառով երուսաղէմ գտնուողները
բոլորն ալ զինք դիմաւորելու ելան, որովհետեւ
լսած էին թէ ի՛նչպէս ան յարութեան հրաշքը
գործած էր: Իսկ փարիսեցիները իրարու կ'ըսէին.
«Կը տեսնէ՞ք որ բան մըն ալ չէք կրնար ընել.
ահա ամբողջ աշխարհը իրեն կը հետեւի»:

Տօնին առիթով կարգ մը յոյներ ալ եկած էին
երուսաղէմ՝ Աստուծոյ երկրպագելու: Անոնք
մօտեցան Փիլիպպոսի, որ Գալիլիայի Բեթսայիղա
քաղաքէն էր, եւ աղաչելով ըսին. «Տէ՛ր, կ՛ուզենք
Յիսուսը տեսնել»: Փիլիպպոս, եկաւ Անդրէասին
ըսաւ եւ երկուքը միասին Յիսուսի ներկայացուցին
անոնց խնդրանքը: Յիսուս պատասխանեց. «Ահա
մարդու Որդիին փառաւորուելու ժամը հասաւ»: